

雲南通志


藝文

十末

內閣文庫	
番號	漢 14228
冊數	40 (39)
函號	更 137 3

三十九





臨安懷古

吳自肅

煥文積翠傍樓開倚檻能令客思哀
衰草離離旌義塚寒烟漠漠讀書臺
烏麼地自元和闢建水名從惠廟來
誰作當年三洞記臨風飛越幾徘徊

昆明懷古

吳自肅

畧地曾聞楚將雄苴蘭遺跡草湖東
五華禾黍寒烟裡隻塔樓臺暮靄中
望祀虛傳神可致疏流實見利無窮
只今高眺螺峯上惟許長歌醉碧筒

五華山晚眺

丁焯 晉江

落日亭臯帶晚霞
昆池沆漭望中賒
東西寺迥懸
雙塔金碧山明擁
五華司馬經臺荒
蔓草梁王苑
樹起飛鴉風烟六詔還
都會無奈浮踪苦憶家

遊鸚鵡山謁太和宮

丁焯

迤邐天門石徑危
清都靈景到來移
玉階春靜繁
瑤草金殿風微閃
桂旗仙磬響調鸚鵡
語古松陰
帶薜蘿垂逍遙忽動
憑虛想借擬高真
隻鶴騎

拜楊莊介先生像

丁焯

伏闕批鱗事已遙
長存廟貌枕山椒
買生痛哭終

辭漢韓愈文章總屬潮
各世通家新蘊藻風流遺
像秀蘭茗從知浩氣歸天表
空向滇雲續大招

遊羅漢寺

丁焯

選勝携樽就水涯
名流雅集與偏賒
清和似借蘭亭日
縹緲疑乘星漢槎
遠浦蒹葭浮白蕩
上方臺殿隱青霞
到來巖壑延幽賞
且繫輕橈踏淺沙

又

攀躋絕磴造琳宮
徒倚憑虛望不窮
萬頃滄波海太極
千峰翠黛簇遙空
山腰龍洞澄寒溜
天半鶴

笙韻晚風共惜登臨須盡醉歸帆漫指水雲東

臨安懷古次吳克庵學使韻 丁 焯

眇眇舊國枕山開縱目憑高客思哀瘴草碧侵羣
節暮野花紅暗撫蠻臺五邦地控交岡險三洞泉
通瀘水來邊徼從前多謫宦景賢祠下幾徘徊

雲龍山真武宮登閣 丁 焯

亂峯環抱氣氤氳飛閣憑虛最出羣鳥道松杉千
歲老鶴壇笙磬半空聞披襟涼愛南薰爽晞髮晴
看北戶雲日南有北戶縣便擬投簪從帝子驂虬同謁玉

宸君

過大鼎山海潮寺登閣 三韻 丁 焯

輕埃小息憑高閣漱灑湖光望不窮螺蚌珠函孤
嶼月虬龍聲吼老松風禪房斧密柝烟綠古殿經
翻佛火紅謾向客中誇樂事聯吟清賞許誰同

臨陽紀事 五韻 丁 焯

內屬猶聞記漢年眇眇風物甲全滇地經戰伐仍
千戶人沐詩書憶二賢明王景常韓宜可二公謫此文教始開赤仄

舊通交趾賦交人所用皆中國制錢烏蠻新罷保頭錢魯奎野彝

橫索村民名保頭錢近
土葬受職此風稍息

清和氣候鄉關似蚤愛荔

枝鶴頂鮮

直方舖懷楊太史慎

馬天選

撼門抗疏豈為狂竟爾批鱗戍遠荒翰苑坡仙窮
嶺海漢廷汲黯老淮陽投囊絕句驚神鬼荷鍾豪
情典驪驪試看行吟紛踏處山花山草有餘香

州城事即

知州陸榮登

斗城四面萬山斜屋市稀微三兩家聽政席前迷
瓦礫勸農詩上憶桑麻西堂慣夢春生草南浦貪

栽日及花遲久日看青酒慢藥末書卷是團茶

西碧龍泉

趙士麟

小橋崎曲水重重遶樹春流出岸溶賤性迂疎同
野鶩多才賡唱盡雕龍酣來索笑非關酒興到登
山不借筇瓊骨珊珊時一浴碧潭未許白雲封

又

屏却籃輿徑度蹊奔龍不似紫驪蹄偕來童冠分
蘭濯到處壺觴信手提野樹周遭藏倦鳥微波蕩
漾動靈犀西山鈿鈿人爭樂一路茵花踐作泥

重陽後再泛昆池 庶吉士 王翰

昨宵有約駕仙舟 風雨俄然一旦收 歌曲遙從天

上落人家宛在水中 浮荷香帶櫓搖黃葉晴日穿

莎晒白鷗為愛湖光觀不盡 故遲明月醉芳洲

臨安懷古同家兄次吳克庵先生韵

晴牕曉向署樓開 城市蒼涼入望哀 懷遠侯歸存

舊裔讀書人去剩 荒臺雲蒸交嶺驅寒去雨過元

江挾瘴來卜萬同時埋義骨傷心廢壘謾徘徊

雲龍山真武宮 丁焯

馬蹄蹀躞遶青郊 傑構新看闢草茅 絳闕平臨天

北極丹樓高瞰日 南交山深地隱龍 蛇氣松老雲

封鶴鶴巢安得栖 真同羽客簑瓢長此挂林稍

遊清溪洞 丁焯

香臺突兀冠滇南 破曉攀雲路始諳 地轉清溪邀

客步天開巖洞作僧龕 懸泉溜滴曇花落 虛谷潛

通石筍澗何日重來捫古壁 松烟蕤盡縱幽探

五華晚眺 丁焯

五華憑眺衆山低山色週遭翠靄迷
萬頃滄波天上下一雙高塔寺東西
武鄉廟貌寒鴉集黔國亭臺秀麥齊
愁向孤城聞盡角夕陽歸路信驢蹄

拜楊莊介先生像

丁焯

大禮何人秉國成新都才子荷戈行
難將濮議回天聽祇益坡公渡海名
著就丹鉛細帙富舉來衡杜碧滇清
拜瞻遺像空延竚腸斷春山蜀鳥聲

遊鸚鵡山謁太和宮

丁焯

崧嶽分形氣象尊千峯如畫擁天門
玉虛金殿香

風滿仙葆神旗彩霧屯帶雨松杉凌
漢碧呼晴鸚鵡向人喧到來欲問丹丘
訣羽客冥心未肯言

泛舟昆池遊羅漢寺次雁水家兄韻

丁焯

九十春光似有涯追歡漫惜酒頻賒
羽觴舊憶隨波詠越客初乘貫月槎
夾岸新秧翻翠浪長湖孤鷺帶明霞
名山到眼招禽向可愛青鞵步軟沙

又

絕巘弘開兜率宮薜蘿舉盡路初窮
采真人去木

芝老聽法龍歸烟霧空倚檻千村團海色回颿一
權信天風握蘭尚有前溪女笑底行厨早向東

安寧溫泉 王新仍 江寧

湛湛蘭漪澗底明火龍吹雨浦珠生照人寶鑑神
俱爽沃我丹砂體欲輕昆水碧多流玉暖連然深
處出華清須知萬里消塵垢滌盡炎氛在一泓

曹溪寺寶花 范青 上海

祖庭會記說風旛贏得優曇散寺門青菡萏吹香
有韻碧琅玕寫滑無痕分來少室憐同氣看到楊


州恨不存怪底閩年葩一月此花元是月為竟

滇中雜詠 程春翔 貴陽

昆明西出碧雞關野戍荒荒走百蠻雲擁點蒼千
古雪路通緬甸萬重山段蒙往事興亡盡諸葛奇
功戰伐閒見說蘭滄江更險橋橫鐵鎖水潺湲

登五華山 顧瑛美 嘉善

城抱崇岡俯鬱芊晴空四望色無邊風高沙麓收
禾黍霧隔秋林出市廛諸葛尚畱新俎豆梁王誰
記舊山川斜陽淡淡浮雙塔一碧昆明萬里天



螺峯月石亭 九日

顧瑛美

衆山且就螺峯近多雨欣逢九日晴野外黃花開
戰壘風中阜帽有詩情袖霞屏過雲如磴月石亭
高水射城滯跡三年渾未識梁州襟帶况縱橫

泛昆池

范秉秀 柳陽

萬頃波光一葦航中流簫鼓漫飛鶻野田秋漲烟
中刈漁網風腥柳外張幾處芙蓉疑洛浦滿湖葭
莢近瀟湘風流千古袁宏渚宛在西南水一方

遊安寧雲濤寺

浦越喬 稿李

林泉豈許埋榛莽新結花宮柳市南湍激螳螂聽

萬響 寺前水名 螳螂川 雲生龍鳳峙雙嵐 寺後鳳山寺前 隔水日龍山

從知灰劫百千億不改仙源七十三 寺南諸洞大 小共七十三

如許亭臺占幽異天教奇境護精藍

遊華頂

釋本 元 武陵

鳥道嵯峨挂碧霄捫蘿天外似扶搖半空瀑響飛
晴雨萬樹松聲駕海潮嵐色忽開圖畫近海光初
霽錦霞標回觀智者經行處更有何人渡石橋

兩宿雲龍準提閣和韻

四川僉 事道 劉彪

點點青峯過客遊到來風雨正新秋深林落葉排
香徑疎竹寒花護石樓逸韻偶從清磬得閒心欲
傍白雲休禪房一夕空山靜獨有溪聲屋角頭

前題和韻

楊中原

蒼巖白石快同遊一雨携來萬壑秋烟靄上方迷
寶樹雲橫緝殿聳層樓好山何處尋支遁佳句從
前憶惠休爲愛泉聲瀉碧渚不辭崎路到溪頭

遊乾陽山

羅天柱

紺宇參差倚石根時生雲氣鎖山門湖光送碧環

羣島烟樹浮青罩遠村陡徑朝晴猶帶滑幽巖日
到始知溫當年豈是王喬過鳥跡猶畱綠蘚痕

登浩然閣觀海有感限韻

高翮映

碧波千頃落羣溪傑閣攢空洱水西柳影遊鑣鳴
繫馬棕籬漁艇立連雞春風自我招携得秋月何
人感慨齊此日元龍真可似罇前潦倒鷓鴣啼

唐天寶戰士塚

高翮映

不愁寂寞塋蠻鄉十萬雄師一塚藏未見松楸馴
兔雉常畱荆棘擾牛羊要君相國虛傳捷諛世詞

雲南通志 卷之二十九
人濫頌揚鬼域此中無女謁丈夫羣合自冰霜

寧湖舟晚

舉人 袁起龍

恰值湖村入暮時扁舟泛泛欲何之晚烟乍暝蒲
千頃新月初橫水一湄高岸火微通柳影隔溪春
動響秋思此時應是漁龍睡縱有綸竿且漫垂

交水

朱 昂

無數垂楊起大風雨痕吹斷夕陽空人家隱約桑
麻裏山水冥濛烟霧中野寺晚鐘敲月黑戰場燐
火亂星紅不知何事關吾意每到登臨感莫窮

雞足山

朱 昂

地擁三峯萬里來天迴一徑迴崔嵬洗心橋向雲
中度華首雲從定裏開石印金襴存古色霜侵銅
瓦蝕蒼苔夕陽欲下鐘聲動夜半光生禮佛臺
五言排律

唐

蜀中寄雍陶

馬 又

曾馬渡瀘水北來如鳥輕幾年期鳳闕一日破龜
城此地有征戰誰家無死生人悲還舊里鳥喜下

空營弟姪意初定交朋心尚驚自從經難後吟苦似猿聲

詔放雲南弟子還國

鄭洪業

德被陪臣子仁垂聖主恩雕題舞鳳闕丹服出金門有澤沾殊俗無征及獫狁銅梁分漢土玉壘駕鸞軒瘴嶺蠶叢盛巴江越嶲垠萬方同感化豈獨日南藩

元

碧雞山

張雄飛

北闕辭丹鳳南雲看碧雞紫苔移玉座瑤草濕金泥雨霽籠歸洞風生虎渡溪尋梅穿竹徑採藥躡松梯白日依山盡青山入海低寄書無鴈過擇木有猿啼花映高低樹園分遠近畦飛星馳寶馬沉水吐銀猊魚戲蓮房北鷗鳴菽渚西長歌漢頌罷刻石紀新題

明

遊石寶山

楊慎

廻澗數峯合叢篁一徑斜翠氛林藪日斑瀟碧橫

霞石棧重懸閣雲亭半蔽花
薨顛驚燕雀窟迥錯
龍蛇昏曉更天界陽陰竄物華
檀施象數著幻巧
鬼工奢千尺罨羅幕雙堆擁
玉鬢厨人羨綠笋溪
客飯胡麻單袂春身健空山
雨後譁諸天人不到
來往白雲車

垂珠洞

章明德

誰斲混沌竅移向白雲隈
曲曲通人徑飄飄入翠
微猗猗雄虎豹吞吐孕風雷
上下連鍾乳東西帶
節麾綺雲盤石甲香霧擁
金樞倒砌玲瓏玉高懸

綿綉幃崑唇唾墜露石角老
修眉鼉鼓清還越虬
鐘纍且危砂床畱石火丹竈
偃朱灰乳突紆金瓜
均堂飲玉醅翠幢紛絡索銀
母半葳蕤錯落遊龍
骨世翹舞鳳威天光深處發
爽氣暗中回隔此塵
囂寂緣之吸坎圭悠悠三萬
刻可以長春暉

龍首關

王明嗣

萬里雲南道壯哉龍首關
氣吞西洱水勢軋點蒼
山夭矯盤清秀蜿蜒躍碧滄
地靈吁可駭天險邈
難攀井絡稱雄鎮坤維倚
大閑周章無六詔俯仰

雲南通志 卷之二十一
了羣蠻聖代提封闕元戎遴選難度遼推世胄越
駕靖神姦虎節光推鞞犀昆響賜環銘功崖畔石
寧羨玉門班

送劉北部恤刑雲南

王世貞

輶車小司寇鼓吹黃金臺天欲南荒盡春還北極
來泣珠恩自遠祝網面仍開貴竹披層瘴昆池暖
劫灰客傳星使部人憶夜郎才不識秋鴻外新詩
可寄裁

海洞奇遊

郭齊業

天山何嶮岨石洞迴玲瓏玉髓明仙掌金波護寶
容高岑雲半掩曷徑蓋難通葉响長飄露林香不
斷風樞衣聊躡屐呼侶且支筇嶽色行邊霽秋聲
靜裏空諸天紛象馬四壁削芙蓉嵐翠沾衣袂杯
綠搖菁蔥客子興不淺王翁情愈濃欲待看華月
山城停暮鐘

叮噹山

鄧原岳

灌木千章合巖花三月深泉聲盤嶺急雲氣結林
陰駐憶方危蹬褰帷復遠岑嵐光添秀色靈籟發

雲南通志 卷之二十一
清音不盡搜羅與其如汗漫心計程無百里問徑
有千尋臃腫圍奇樹鞫輶語怪禽未須愁瘴癘頗
已愜登臨西塞狼烟定南天鴈羽沉嘯歌還不廢
聊此散煩襟

茶花百韻 有序

鄧 羨

滇茶甲海內種類之繁至七十有二其在省城
內外者尤佳予以庚戌歲按部事竣駐省候代
時值冬末春初此花盛開名園精舍間獲寓目
燦日蒸霞摛文布繡火齊四照雲錦成帷信天

壤之奇觀品物之鉅麗也昔人謂此花有七絕
予以爲未盡厥美有十德焉色之豔而不妖一
也樹之壽有經二三百者猶如新植二也枝
幹高竦有四五丈者大可合抱三也膚紋蒼潤
黝若古雲氣鑄壘四也枝條黝糾狀似麈尾龍
形可愛五也蟠根獸攫輪囷離奇可憑可枕六
也豐葉如幄森沉蒙茂七也性耐霜雪四序常
青有松栢操八也次第開放近二月始謝每朵
自開至落可歷旬餘九也折入甌中水養十餘

日不變半含者亦能開十也此皆他花所不能
全者因考唐人以前此花獨不經題詠以僻遠
故不通中土遂使奇姿豔質淪落無聞近代有
作率多不能為此花傳神暇日因戲為百韻詩
一首牽綴比擬未免兒態庶幾為此花吐氣傳
之四方或有採焉

徧檢古人句山茶未得名形容應有待品價也難

輕此地本炎德在天疑火精芳菲迎暮序爛熳及

元正宜壽如山水

莊子
篇名

經霜似女貞柔條牽百丈

老幹倚孤撐美蔭團松蓋新蕤怒竹萌重葩翮蔽

葉岐蒂總依莖接植人工巧

土人植茶法用兩
樹相接花始繁盛

開

先品物亨光華分若木肌理細殷檀疊萼曾承露

豐苞獨嚮明叢深疑避蝶春淺未聞鶯次第開徧

久交紛壓恐傾巨於瑤碧醜圓若紫繁纓鞞綬交

垂綵綃紈乍染頰紅膚時綻甲赤相合居庚

金也按

譜遺金谷邀歡卽錦棚流雲相點映射日更光晶

篋啓紅羅纈餐分紫石英摘鬚嫌斷線接葉愛連

瓔覽德冠稱鳳能言咏屬鸚火齊銜粉壁舍利到

金罍道士霞為帔佳兒錦作綳枝枝經纂組朶朶
 薦璣瑀漢苑裁何得隋宮翦不成深宜藏翡翠
 欲眩鵝鵲擊虞鵲鵲賦云見水則喜觀火則憂步障
 塞華薄氍毹展絳英影懸金較帶汗落錦斑駢似
 燄嘘丹竈為霞燒赤城深玄同燕燕點血類猩
 猩繡羽懸雕籠朱輝發短檠霜林搖翠葆海日浴
 金鉦錦水徐鄰浪靄雲不作雲紅毬分綵索朱
 芾間蔥珩柳絮空傷媚芝房詎足禎稱名根野
 薜奪色妬山櫻蓮或羞泥汗葵空向日誠珠離
 酒泉柰密剖楚江萍質本

豎蒲柳香無取杜蘅道傍徒樹李庭院枉栽荆乍
 可蘭為友誰言棣是兄繽紛異紅藥憔悴惜朱羸
 菊名逾月遲萱落終朝惜薜榮古詩云薜榮不終朝詎稱霜挺
 桂天台山賦八桂森挺以凌霄何事雨移橙用杜詩嘉種雖分部
 茲花合主盟杜鵑殊不類二芳記以杜鵑花配山茶鷓鴣敢先
 鳴的皪披林影菲微散曉晴後凋仍早放霧繞更
 烟縈閩婢空慚賤金鳳花楊妃別有情別種有楊妃山茶寶
 珠光自溢整口韻猶清枝愛垂絲軟心憐卷瓣生
 蝶翎看墜粉鶴頂似銜瓊茶品之貴者有寶珠整口軟枝分心卷瓣蝶翅

粉鶴頂一種皆稱美羣芳孰與爭嬌姿長似寤婷紅諸名

質更如惺露下啼粧泣風前舞態呈施朱嫌太赤

頽玉未辭醒倏似顰容歛遙當笑靨迎口脂香澤

傅眉黛遠山橫合德偕宜主娥皇儷女媧令人疲

應接有客更屏營倚處慚形穢看時恐目盲道德經云

五色令人目盲每當春澹蕩及此歲崢嶸節候佳南詔繁

華匹上京深紅間淺紫布谷復彌阮櫂深蘭若底

枝遠映閑閣紛敷彌繡野徒植近雕甍竊慮霜威

入思將夏屋旰窺垣恒寂寂隔水更盈盈早沐緋

衣賜偏宜素腕擎助嬌斜寶髻充耳當瓊瑩賞玩

須歌伎吹噓借墨卿招搖多伴侶感愴易發孽天

女貪分供園丁貴價羸每歲元日市賣此花供佛紅紫溢目出門逢

其麗曳杖陟曉暉婀娜隨烏帽飄飄墮兕觥杯盤

狼藉列車馬往來偵曉駢浮雲葢宵移玉桂箏佳

人理釵釧貴客住干旌競作巡花使寧辭醉酒錯

舞謳微穆護曲調擬清平舞袖淹同坐纏頭費從

俗攀畱思遠道折贈付來俘不遇神農錄空畱姚

魏聲紅顏銷瘴癘珍品失寰瀛安得移中土猶堪

雲南通志 卷之二十一
慰此行僂僮應見慣楚客易心驚幾樹臨官舍三
年慰旅程有時還獨倚竟日但空瞪盛極憂衰至
憐深與恨并物華虛冉冉此意自怛怛坐撫琴三
弄閒消酒一盛眠須攜枕簟狂或繞簷楹相賞無
知己餘酣對老兵何心思北土有賦後南征感處
人千里吟當月五更未須怨搖落終許伴幽貞暗
覺鄉園近深嗟世網嬰嵇含狀草木桂海志虞衡
逸史奇應續新詩暇自賡屬辭深比興從此定佳
評

和鄧侍御山茶花韻

樊鼎遇

絳樹珍炎域瓊華僻異鄉春隨青鳥報曉闔赤烏
粧四照珊瑚葩千珠靺鞨光寶莖清露濯錦蒂媚
風颺著雨胭脂膩衝寒火齊芒梅先羞冷儉桃渥
謝儼莊隋苑虛雕彩楊園漫護香宣華貧競蜀碎
錦陋矜唐帝藥丹砂益神膏紫玉房宵疑分夜燭
晝恐亂朝桑天色嬌堪似酡顏睡更詳施唇迷上
客啼頰誤蠻王爲雨飛滇水蒸霞曳點蒼柔絲傷
織短踈鷹爲顰黃散恨裁紅葉離情濕茜裳血深

三才圖會
卷之二十九
李
悲杜帝粉淺泣何即赭喙報鸚鵡朱絃挑鳳凰同
心文杏閣比萼繡雲廊大小參昴映晶熒日月彰
蟠根千歲鐵刻藥百神飭遠漢留金鎖居彝局玉
堂燒空終自焰嘯谷倩雲防貴種甘幽處姝容詎
苟將此紅欺伐美披晝冠閨嬙南詔歲遲莫西京
日邈茫遭逢襍襪子歌舞踏謠娘蠻甕酣醴酒羗
筵剪蠟緗辭枝恨有色落地寂無傷那更陪銅輦
空憐薦寶坊正元如列貢王會獎殊方奇藻不登
廟英姿獨倚墻襯妍須玉檻洗色粲銀牀幹可齊

溫室花應壓建章龍旂揚大赤麟紱遙斯皇朝射
鴛鴦殿午烘朱雀珩妬深肥婢寵柔讓婕好良衛
薜皆焦萎羸茗亦董根綺葩鍾火德艷質發天陽
早秀能雕晚繁穠習故常且生妖冶謗翻以麗情
妨輦借宮袍穩猩殷帝服昌公知宜園苑誰爲載
車箱零落春風陌妻其秋水塘泮河通漢使邛竹
得蠻商那茗移西土柘櫛費海航何如令園色猶
復滯窮荒特闕王褒頌兼遺陸賈裝迷樓踈綺綴
良嶽寢花綱託社材非散長門怨莫當孫枝稍度

嶺標格始浮漳不畏柔條雪驟驚殺菽霜懊迴珠
樹影羞近玉臺傍道路寧疲險風塵未易藏生懷

坡老慮

燕東坡詩云待得春風幾
枝在年來穀菽有秋霜

借得用修昂楊

修詩云海邊珠樹無顏
色羞把瓊枝照玉臺

初挂墨卿齒偏紫柱史腸

七絃佳品目十德罄游楊纂組思工贍粲花論炳

煌菁華刊鄴架芳潤滿奚囊寫態真詩史看題動

酒狂神農增百藥侯史續三倉蕪蕙圖新寄斑姬

賦正倡錦工傳鎬邑天女薦燕疆色藉繡衣重名

因彩筆彰上林方被幸山木乍回慶悔不誅毛譜

應追戮許璫承明忻曄曄泣霧感浪浪解語揮姚

魏當杯選趙梁畫裙聯五祚纈裕近長揚樂晚埽

文砌薰鑪惹綠洋小年催羯鼓獻歲讌猊觴顯色

禁中鶴分香園外狼何曾巢粉蝶更不坐黃鶯點

綴支機石翩嬛華子岡樂遊承翠葆恋賞閉蒼琅

拳密舒緞甲爭駢控紫韉朶堆七寶髻本植百金

償茗價評鴻漸芳林敢驚行龜年來善闡鳳女嫁

苴咩譚牒真龍虎要盟失羝羊漸臺臨織室太液

近天潢繪實先書姓文心欲瀝益琰娥終入藻歸

妹復寧湯佩結紫鸞尾肌凝赤鴈肪纏頭學毳纒
染面醉檳榔齊繪懼陳敗蜀綃啼遠忘神還愁瘴
癘貌若急劬勳燿火夜歸魯採絲投弔湘榮踰九
錫蕙貞失萬年檀獻壽椒花日迎恩桃李塲無心
欺衆卉獨契表孤芳勒剡過千字停梭報七襄呈
身裁繡段將信合珪璋把摘壘罇玩崑峩鳳沼望
俯臨大北勝低澁小南強華蓋臨天座榆珠倚帝
閭蘭臺鷺鼓敬花掖鯨鐘鱗侍女香衾卷昭儀緋
袖長朱纓趨劍佩卉服列苞萑爛熳石渠側溫濃

玉署廂鹿衙來博苑象踏意蘭滄盡室逢知己惟
澆顧建康

交水酌三川兄宅次日自馬龍東之

俞汝欽

楚雄

晤方一月少別忽十年餘再撥王生棹纔登戴子
廬已憐隔千里還媿滯雙魚道義兼鄉榜蹉磨况
尚書之才徒險路篤學暫幽居舊侶晨星若高情
濁酒如共驚片時會獨訴半生迂遠俗惟携帙投
峯只跨驢屢霜遯巖穴窮晝伴樵漁俯自澆漓後

遙觀混沌初子淵瓢可飲大舜草甘茹憇樹旋移
 石泝泉便曳鋤每哀歐老軸不羨石家儲頓置冠
 裳念渾忘歲月徂謂能拋寵辱絕勝耀門閭此意
 原非矯斯言固不虛一朝願偶拂踰稔困難除重
 走天涯遍偏於世味踈人情非昔者吾道合歸與
 不効狼當道毋驚鶴在輿滔滔方舉世耿耿豈惟
 余誰挽長河水咸疏大地淤積薪願上賈曲突更
 憂徐使彼烽烟息恣吾嘯傲紆裁松環小院培竹
 影清渠倚檻調新鶴供鷓鴣嫩蔬需時任偃仰餐
 翻待吹噓竊見每若此如非盍正諸辭從知己罄
 懷刊竹鄉舒欲睽仍繾綣既別復躊躇尙想醇醪
 在猶疑鄙吝祛倘堪托鴻鴈定不惜瓊瑤

華藏寺

許侶

倚杖陟層堦登臨極望來湖光浮玉鏡山色拱瑤
 臺野鳥飛來聚閒雲去復迴談禪僧院寂琢句雨
 花開滌竿回名沼旋車踐濕苔鶴眠亭集雪龍起
 水生雷景是江風舊人殊今古哀東南今際美沉
 醉莫辭杯

七言排律

明

平彝老人

何景明

平彝老人髮兩肩
 哀哀淚訴語淚如泉
 收斗粟輸田賦
 日向諸鄰乞米錢
 風雨饑寒趨路側
 子孫流落避兵年
 青春有伴難還土
 白首無家尚戍邊
 官裏征徭何日已
 軍中苦樂古來偏
 冤驚戰鼓心猶怯
 臂中飛弧肉盡穿
 獨去負戈巡夜砦
 誰來銷甲種春田
 敢愁溝壑填衰讞
 只擬封疆息燧烟
 我願

麾前法唐將籌邊有策到今傳

五言絕

明

漾備道中

童軒

流水點曲響亂山重疊橫行行天欲曙立馬看雲

生

平彝道中

何景明

岩懸雲自薄山小路仍斜古栢蒼松裏參差幾樹

花

和楊升庵立夏日三塔寺鐘樓韻

楊士雲

金界開蒼麓鱷魚吼渾涯何日陀羅雨今朝簷葡

花

玉局寺

楊慎

仙是青城客山留玉局名渾如故鄉地偏動故人

情

宿鄧川驛

彭綱

風走落葉聲山犬吠不已披衣夜出戶明月照溪

水災盡長翻卷限因聲

平山暮雨

邵敏

征途薄黃昏淒淒雨不歇扶杖渡山橋兩岸蘆蕭

瑟

湖中遇雨

嚴清

太華雲凝蓋中流雨打船漁翁伏蓑臥安穩下長

湍

七言絕句

唐

送人赴黔中

權德輿

一罇歲酒且留懽三峽黔江去路難志士感恩無
遠近異時應戴惠文冠

南詔赤藤杖

裴彝直

六詔南藤色似朱拄行階砌勝人扶會須將入深
山去倚看雲泉作老夫

哀蜀人

雍陶

但見城池還漢將豈知佳麗屬蠻兵錦江南渡遙
聞哭盡是離家別國聲

又

大渡河邊蠻亦愁漢人將渡盡回頭此中剩寄思
鄉淚南去應無水北流

又

越雋城南無漢地傷心從此便為蠻冤聲一慟悲
風起雲暗青天日下山

又

雲南路出洱河西毒草長青瘴色低但漸攀躋漸
披豁一時收淚聽猿啼

一本作漸近蠻城誰敢
哭一時收淚羨猿啼

天威逕

高駢

豺狼坑盡却朝天戰馬休嘶瘴嶺邊歸路險巖今
坦蕩一條千里直如弦

元

過果苴浪

清遠居士

山路陰陰木葉涼山村八月稻初黃野花零落斜
陽淡隔澗人家煮酒香

明

華亭寺

張純

行過松溪與世分華亭樓閣映青雲何當海澗天
高處長倚禪林作隱君

寄滇南諸人

平顯

林泉有約共投閒歸伴先生放白鷗昨夜夢蒐清
化鶴戛然鳴到碧雞山

寄滇中友人

平顯

夢入滇池卷白波密檀花發暖風多畫船總載江
南客齊唱吳腔子夜歌

又

春水花明玉案山
寶雲螺翠小烟鬟
臨臯羽客空
長揖不載清風鶴
夢還

送王呈貢赴縣

李夢陽

二月扁舟過浙西
楚雲何日度
浯溪滇南小郭青
山繞花發流鶯一
樣啼

自通海江川之澂江贈王鈍庵並董西泉繆

礪溪

楊慎

通海江州湖水青
與君連日鏡中行
孤山一點衝
烟小何羨霞標挂
赤城

又

海螯江蟹四時供水
蓼山花月月紅
自是人生不行樂
蓴鱸何必羨江東

打牛坪

黃中

春曉驅牛獨抱犁
綠簑烟雨鶉鳩啼
分明一片隆
中地移向天南作
稼畦

感通寺

李元陽

渺渺寒山獨自遊
松青雲白却相留
一聲長遂知
何處吟落江門一
派秋

象鼻嶺

李元陽

象鼻山頭下峽風鶴林還在翠雲重看花不覺行
來遠回首青山杳靄中

五華山

張含

五華臺上望昆明淨練微茫似掌平故國欲歸歸
未得海風山雨一齊生

又

仙子逍遙白玉樓醉騎黃鶴過丹丘紫霞縹緲凌
風去不數周王八駿遊

圓通寺

張含

鑊壁蹉然擁紺宮曲崖石磴穿玲瓏何年脫下蒼
龍骨至今鱗甲生秋風

夜宿太華

張佳印

石床橫架萬峯西海上雙珠入戶低自是山中無
玉漏朝霞還有碧雞啼

又

萬點春星枕上生何來黃鶴向天鳴連燈十丈垂
虹氣疑有金仙跨海行

又

焚香高臥太華烟鶴唳松濤夜不眠欲向此中尋
住著海心月在白雲天

又

鐘聲一枕濕青雲松閣高懸樹杪分夜取大瓢收
沉瀼峰頭持贈太華君

西郊卽事

張佳印

爭觀元戎事北征滇中男女亦傾城逆會久渡金
沙水萬馬翱翔海上行

又

龍旂閃閃落霞紅鵲印纍纍大斗同漫向軍容誇
將士從來軒鶴可臨戎

又

將軍世業舊登壇秋色蟬文擁大冠幕下紛紛齊
擐甲不知誰似漢材官

又

中央玄燾指清秋夾道黃花照紫驪豹畧虎頭俱
莫問生來萬里坐封侯

金齒道中

張佳印

叱馭何如鳥道難無名花向野林看雪山飛瀑雲
齊落多少征人五月寒

又

古驛樓高雷雨鳴青山無恙夏雲生愁來江漢人
千里落日風傳布穀聲

又

橫嶺雲盤石礪多芙蓉隨杖轉峩峩泉聲百道凌
天出散作西南九渡河

又

諸彝村落萬峰中駐牧分明漢俗同聞道近來租
調苦安邊誰念昔時功

又

漾備江深江草齊江花開處鷓鴣啼博南矯首青
堪摘霞氣猶懸萬嶺西

又

千江忽盡見哀牢野濶天空俯佩刀風雨驟隨遊
客到雷聲吹散大江濤

賀周中丞敬松平隴

童正蒙

蠻烟起處咽悲笳十月天南雪不花
漢相遙揮白羽羽乘風一夜渡金沙

石門

鄧原岳

層層迢遞水潺潺嵐翠淋漓杳靄間
客子不知天萬里塞帷疑作建溪山

湧泉寺

鄧原岳

一逕青山十里遙白雲谷口坐相邀
不須訶殿驚村女拄杖前頭只酒瓢

未得又

山隙流泉激雪飛石巖嵐翠濕人衣
幡幢不動柴門閉日暮老僧何處歸

又

石邊水出忽濺雲飛瀑潺湲曲曲分
試向蘭亭問陳跡風流還說右將軍

又

新釀真城竹葉青一尊相對共沉冥
芒鞋踏遍雲山路笑倚山頭木末亭

清風亭

王諍

愛爾激江千頃波澄清撓濁定如何水心亭榭塵
囂外莫似西湖涵綺羅

問俗亭

楊仲瓊

紫竹叢中秋有聲洱西月抱水晶城晚烟澹泊半
江碧人在山堂理玉笙

觀音山驛

李本固

蕭蕭客館倚崔嵬不斷溪聲枕上來寒擁青綾眠
未得起偕山月共徘徊

歸化寺

張泰

竟日馳驅疊嶂間逢僧聊假片時間憑虛一望天
如洗積翠瓏葱山外山

二忠祠

胡廷祿

金碧祠宮多樹林雙忠臺栢獨森森穹碑讀罷衣
裳濕脉脉文山俎豆心

春日草堂卽事

胡廷祿

草堂今日是花朝酒不隣沽客不邀門竹井梧皆
鳳所好因良夜一吹簫

龍泉寺

吳懋

溪上青山帶紫烟山中梅蕊早春天仙家春甕今朝熟來聽冷冷瀉玉泉

臨漪樓

胡縈

城頭高閣映澄湖一幅江山列畫圖郭外荷花深淺碧滿天秋色在水壺

安寧雲峯謫仙書院

黃祺

萬卷樓成綠水前玉堂人倚白雲邊草玄落筆三千丈風雨龍蛇動九天

又

海內知名已廿年舊山重樹兩依然詩成酒盡還為別雲樹江天起暮烟

榆城聽角

釋天祥

十年遊子在天涯一夜秋風又憶家恨殺葉榆城上角曉來吹入小梅花

本朝

七言絕

次楊林道中

編修典試米漢雯直隸

戍樓蕭寺記曾經長短初過兩驛亭四壁漫嫌塵
土積開窓欣見數峯青

遊西華洞

范承勳

風細瓊樓颯颯秋
風細瓊樓颯颯秋
蕪蕭何意悞人遊
依稀昨夢親
曾到十二樓中第一樓

題聽瀑樓之壁

范承勳

空中樓閣石為椽何處老龍枕石眠
頷下有珠難睡穩喚將雷鼓駭晴天

龍淙洞

范承勳

水石和雲總不分雲穿石竇水穿雲
世人未見桃花片浪說仙源是耳聞

題聽瀑樓之壁

王繼文

亭傍丹崖築數椽石門開處白雲眠
不須風雨黃昏候自有驚濤吼洞天

又

斧痕豈是巨靈擘太古何人構此宅
鯨口吐納天地腴潮聲暗走震山隙

龍淙雜詠

有序

范承勳

筇竹寺後荒嶺起伏無次出樵徑數里四山巖
崕中得平地如掌龍泉一泓瀉入巖洞蜿蜒乃
出放爲碧流數十折奔別洞注地爲湫聲善恐
人相傳神物螫焉理或然也跬步間洞凡四五
石樓窈窕若蜃氣吹空而幽折靚悄疑此中別
有天地又童無蔚蒼鳥韻都絕唯洞房環珮玉
聲璆然俄而琴筑互咽笙鏞迭奏紆徐却導暨
乎巨響忽發歌鐘噲吹鼙鼓匄匄而衆音亂矣
與諸君子顧而樂之爲商創數椽置守焉但茅

茨石梁不損天趣雜樹松卉繁衍以漸其間林
石布列尤詭譎莫狀爰擇其偉樸者二命爲長
俾以部署羣石曰屋曰樓曰溪此構之天者也
以菴以亭以橋此續之人者也若石今始有名
此天人參者也夫自洪荒來不知幾年歲矣無
傳聞亦莫適主者固棄於人而得全於天者乎
抑造物自秘惜以有待乎乃以不意遇何奇也
物各予名各各予詩以志之

龍淙石屋

范承勳

偶步何心訪玉真欲捫牛斗上星津胡麻却怪來
何處合有臨流笑語人

聽瀑樓 范承勳

瘦骨玲瓏玉珮寒幽琴鼓咽冷珊珊晴雷暗逐長

虹竄天巧偏將俗眼瞞

墨雨菴 昔一師誦經龍夜往聽講時旱命雨以乏水辭師指視池水借之俄大雨

霑足雨皆帶墨 范承勳

夜掩柴扉偶誦經無端喚出古龍聽墨花飛處支

章大寫向虛空字字靈

草亭 范承勳

誰家亭子把茆茨折竹還他曲木支席地幕天真

快意旁風上雨亦何疑

宛轉溪 范承勳

撥雲攜杖費追尋驚觸垂龍入洞深人自直腸溪

自曲愚公活水兩無心

石香橋 范承勳

紅是花光碧水光落花襯石石生香隔溪若有吹

簫伴何必天台訪石梁

癩丈

范承勳

無言屹立不成眠
來自媧皇紀號年
深夜月明呼影語
料應袖舞作狂顛

臥石

范承勳

平泉醒酒鬱林廉
畢竟胸中有滯沾
爭似此翁長坦腹
更無些事上眉尖

小龍湫

范承勳

雁宕分來一片山
搜奇謝客未經攀
偶從西域逢東谷
別有靈湫秘此間

小巫峽

范承勳

驚濤澎湃瀉空來
立石分明灑瀨堆
聞道三巴通禹鑿
曾從蠻落把天開

疊前韻

田雯

龍淙石屋

谷口何緣訪子真
龍淙古洞不知津
一株松下三間屋
羨殺膏盲泉石人

聽瀑樓

田雯

一道飛濤小閣寒
晚霞斜照似紅珊
池塘有句來

雲南通志 卷之二十一
康樂鳥鵲無枝映老瞞

墨雨菴

田雯

晴日臨池夜講經一番風雨正堪聽老龍亦學吾
儕事脫手神通墨瀋靈

一草亭

田雯

水邊亭子帶茅茨略約溪通一木支為向爨花蠻
鳥道往來相識莫相疑

宛轉溪

田雯

山中藥草恣幽尋宛轉溪頭入徑深鴉髻童扶到

峯頂紅藤杖拄下坡心

石香橋

田雯

山吐晴嵐水放光

用白香山語

行行人影又衣香一叢

菡萏橫波面兩隻鸕鷀立石梁

癩丈

田雯

橫斜石丈枕溪眠磊落嶮崎不記年一揖呼兄松
下立人言我是米家顛

臥石

田雯

獨于山水不能廉屐齒苦遭泥絮沾雪後倘來尋

雲南通志 卷之二十一
此石須隨馬耳露雙尖

東坡雪詩試掃北堂看馬耳未隨埋沒有雙尖

疊前韻

范承烈 潘陽

匹馬京塵中面目時時化緇得吾兄所寄龍淙

雜詠迴環循諷令人體骨俱仙初不知清泉白

石之同一覆載內也隨筆趣韻聊當神遊溪山

之杖策未敢追隨風雨之聯牀俟諸異日

龍淙石屋

范承烈

信手拈來幻也真安從萬里探芳津只將一幅桃

源記指點吟哦說向人

聽瀑樓

范承烈

駭奇我已不勝寒况復親聞珠玉珊不露天然真

面目喜從絕世把人瞞

墨雨菴

范承烈

三間茅屋兩甬經瀑韻溪聲徹耳聽我法已離文

字相何緣又借墨池靈

一草亭

范承烈

誰於此地剪荆茨仙吏還將鶴俸支豐樂每從喜

雨得醉翁不在酒何疑

宛轉溪

范承烈

險灘勢欲百千尋
面面湘帆曲曲深
明月儻隨流水去
素娥應費幾多心

石香橋

范承烈

仙履留時尚有光
瓊漿攜處至今香
豈同坐月揚州夜
一串驪珠一繞梁

癩丈

范承烈

巖花落盡草芊眠
瘦鐵峻嶒不記年
我愛楚狂狂敬我
和伊併作十分顛

臥石

范承烈

他山更有石交廉
丘壑耽奇意不沾
湛湛碧流持作枕
從伊穩臥亂雲尖

西華洞和韻

許弘勳

山水岩扉不記秋
前人登眺後人遊
王侯第宅殊今昔
爭似仙家跨鶴樓

渡蘭滄江

吳自肅

蘭津江水迥無涯
萬里雲橫不見家
病裡偶然舒倦眼
滿山開遍野桃花

天生橋

吳自肅

天生橋畔削芙蓉下瞰江流跳玉龍到此停車非
好事欲從天末問奇蹤

滇曲

唐 泰

界入南滇迥不同一年天氣半西風杜鵑聲裏春
猶淺吹遍人家落葉紅

哭黔國公沐天波

時為緬
酋所殺

陳佐才

戰馬嘶歸還漠地將軍枯骨在蠻城招魂惟有沙
洲水日夜烏烏作哭聲

送客還金陵

張以恒

一聽驪歌倍黯然臨岐無物贈君還飽飡十九峯
頭雪好過江南六月天

西華洞望昆池次韻

方正陽

空明望徹海天秋萬頃波光助勝遊雲外老仙何
處去尚遺丹鼎在瓊樓

雲南通志

卷之二十一

五

